



Programa ji bo hotel, restoran û firne

Programa ji bo hotel, restoran û firneyê ji bo wan kesan e ku dixwazin bi karê pijandina xwarinê, nan û kiloran û malzemeyên xwarinê re mijûl bin.

Tu her weha dikarî vê programê hilbijêrî heger ku tu dixwazî bi pêşwazîkirina mêvanên hotel û restoranê re mijûl bibî.

Di vê tu ji karê xizmet û servîsê û hevdîtina bi mirovên cuda re hez bikî.

Di programê de van tiştan hîn dibî

Tu hînê pijandina xwarin, nan û kiloran û servîskirinê dibî.

Tu hînê bikaranîna malzemeyên xwarinê dibî û her weha ka mirov di metbaxên cuda de çawa kar dike.

Di programê de her weha di derbarê paqijî û hîjyenê de, adan û xwarinzanî, xwarinên taybet û servîskirina alkolê de zanebûnan werdigirî.

Tu wezîfeyên cuda yê kar re mijûl dibî ku armanca wan amadekirina te ya ji bo xebata li hotelê ye.

Di programê de bi kesên din re bi hev re tedrîbê dikin ku servîseke baş bidin mişterî û mêvanan.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zeraî nebin û her tim bibî xwedî tenduristîyeke baş.

Program wiha hatiye amadekirin

Di programên neteweyî de dersên ku herkes divê bixwîne hene. Ji vana re dibêjin dersên hevpar yê dibistanên taybet yê lîseyê.

Ev ders vana ne:

- Înglîzî
- xebata estetîkî
- dîrok
- spor û tenduristî
- matematîk
- xwezazanî
- olnasî
- civakzanî
- swêdî yan jî swêdî weke zimanê dûemîn.

Dersên hevpar yê programê

Di programê de dersên pişeyî yan jî dersên taybetmendî hene ku ji wan re dibêjin dersên hevpar yê programê. Hemû şagirdên li Programa hotel, restoran û firneyê divê van dersan bixwînin.

Vana jî ev in:

- firne û pastexane
- hotel
- malzemeyên xwarinê û adan û xwarinnasî
- zanebûna dana xwarinê û naskirina branşê
- servîs û pêşwazîkirin

Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan didê te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe jî dibistana miraceatê wê dikî bipirsî ka li cem wan kîjan dersên pêdaketina hûrûkûr ya programê têne dayîn.

Her weha li ser webcîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hîlbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de cîh nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigiri. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtîne li kargehekê dikarî biceribîni û bikarbîni.

Ji vê re dibêjin perwerdeya li cihê kar (arbetsplatsförlagt lärande, apl).

Xebata Lîseyaya perwerdeya taybetî

Bi armanca ku nîşan bidî tu ji bo wezîfeyên cuda yê xebatê baş amade yî tu dê xebateke di Lîseyaya perwerdeya taybetî pêk bînî.

Ji ber ku divê xebata Lîseyaya perwerdeya taybetî temamiya perwerdeya te nîşan bide tu vê yekê di dawîya perwerdeya xwe de pêk tîni.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwînî.

Hemû biryarên di derbarê ka tu dê çi bixwînî de pêwîst e di pîlana perwerdeyê ya şexsî de çîh bigirin.

Dîploma Lîseyaya perwerdeya taybetî

Dema tu piştî çar salan Lîseyaya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseyaya perwerdeya taybetî hatine nivîsandin.

Ev dîploma nîşan dide ka te di nav çar salên xwe yê li Lîseyaya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamî ya dibistana lîseyaya taybet.

Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî.

Tu hem bi tena serê xwe kar dikî hem jî bi tevî kesên din re. Tu bi awayên cuda hevkarîyê diceribînî.

Tu her weha tadrîbê dibînî ka di rewşên cuda de mişterî û mêvanan çawa pêşwazî bikî.

Piraniya caran xebata li firne, restoran û hotelê divê di nav demeke xuyakirî de were pêk anîn.

Gelek caran kar divê bi awayeke lez were kirin, ji ber ku mirov bi malzemeyên xwarinê yê gelekî hesas re kar dike.

Hinek caran jî kar û xebat ji bo çareserkirina pirsgerêkan e, weke mînak mişteriyek ku li benda xwarinê yan jî odeya xwe ye.

Di programê de tu hîn dibî ka mirov kar çawa pîlan dike, pêk tîne û bi dawî dike.

Tu her weha tadrîbê dikî ka mirov çawa nîqaşê dike, difikire û gotin û ramanê xwe dibêje.

Tu her weha dersê jî dibînî ka mirov pêkanîna wezîfeyê xwe yê karekî çawa îzah dike.